



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Vita P. Balthassaris Alvarez, Societatis Iesv Religiosi**

**Puente, Luis de la  
Coloniae Agrippinae, 1616**

§. 2.

**urn:nbn:de:hbz:466:1-43347**

plationem ascendens: nam in his omnibus suspensionibus, & raptibus, cum à Deo sunt, non est spiritus ociosus, nec dormit; sed semper videt, audit, & aliquid intelligit, admiratur, gaudet, et diligit: quando autem nihil facit, aut recipit potius *STVPORE* dicendus est, aut debilis, & evanescentis capitis somnolentia, aut fraus & illusio Dæmonis. Quoniam igitur res istæ extraordinariæ, sunt ex se periculosæ: ideò nec desiderandæ, nec quærendæ sunt; sed potius fugiendæ, donec Dominus noster ad eas accipiendum vi quadam impellat; aut voluntatem suam aperiat, qua velit hac via deducere eas sententiam.

## §. II.

**H**ÆC sunt, quæ complectitur modus huius Orationis & Contemplationis, quem Dominus noster voluit Patri Balthassari variis ob causas communicare. Quarum præcipua est, quòd cum eum elegisset in Magistrum scientiæ spiritualis, ac multarum animarum ducentem, quæ orationi studebant, voluit ut ipse valde in ea excelleret: & ipsam experientiâ sciret varias has vias, per quas diuinus spiritus suos electos deducere solet. Hanc rationem, & causam assecutus est idem Pater, eamque valde perpendit in prædicto suo Tractatu. Nam in primis (ait) qui nunquam didicit græcè, neque legere sciet libros græcè scriptos; neque græcè loquentem intelliget: multoque minus



sciet docere. Et hoc secundum maiorem lo-  
 cum habet in hac spiritus facultate, quam  
 in alijs, vt scilicet Magister sit tanquam  
 causa quædam superior & Vniuersalis, qui  
 possit omnes iuuare, vnumquemque dirigen-  
 do iuxta suum gradum & progressum per  
 omnes vias, quibus Deus volet eum diri-  
 gere. quæ viæ, licet omnes ad eundem ten-  
 dant scopum & terminum, sunt tamen plu-  
 rimæ: vt igitur id commodè fiat, multum  
 refert eum omnium illorum experientiam  
 habere. In hac enim via, experientia est,  
 quæ facit ipsos Magistros excellere. Nam et  
 si speculatio, & Sanctorum ac Mysticorum  
 Doctorum lectio multum iuuet: propria  
 tamen experientia absque vlla comparatio-  
 ne multò plus præstat, ac valet. Est etiam  
 magnum discipuli solatium, (quemadmo-  
 dum quidam Spiritus Magister optimè di-  
 xit) quod is, qui ipsum dirigit, dicat ei:  
 & ego idem sensi; & hoc, & illud mi-  
 hi euēnit: & quòd ipsi quasi obuiam ve-  
 niat & sciat, quòd tendat; & ad minimum  
 verbum, quod discipulus efferat, statim Ma-  
 gister rem comprehendat, faciatque, vt ille ca-  
 piat, quod non potest explicare. Est au-  
 tem hoc magni omnino momenti: vt di-  
 scipuli proficiant, & vt fidem ei adhibeant,  
 magnique faciant, quod ille dicit, iuxta il-  
 lud: quod Apostoli Christo dixerunt: a *Nunc a Ioan. 16. 30.*  
*scimus: quia scis omnia, & non est ti-*  
*bi opus, vt quis te interroget. In hoc*  
*credi-*



„ credimus quia à Deo exijsti. Et plus eis satisfaci  
 „ & amplius exstimulat Magistri viuentis exem  
 „ plum, ita eos intelligentis & cum eis colloques  
 „ tis, omniaque ipsorum interiora patefacientis  
 „ (vt euenit Samaritanæ cum Christo colloquenti)  
 „ quàm si multa etiam legant apud alios, qui pro  
 „ cesserunt. Quare idem Doctor ait: huiusmodi Ma  
 „ gistris expedire, vt sese aperiant, & communi  
 „ cent ijs, quos ducunt: nec se ipsos subducant; &  
 „ quod aliqui faciunt, omnino sese occludam  
 „ quamuis seruandum sit decorum in frequentia  
 „ modo se communicandi, cum decenti discretio  
 „ ne, ita vt discipulus, non omnino Magistrum de  
 „ prehendat. Omnes hæ rationes sunt Patris Bal  
 „ thassar's, ex propria experientia desumptæ, quæ  
 „ mirificè animas deduxit, penetrans earum corda  
 „ & sic magnam apud omnes obtinuit Magistri opi  
 „ nionem, vt postea videbimus. Et bonum testi  
 „ monium, quòd multum expertus esset in omni vi  
 „ spiritali, fuit q̄ Sancta Mater Theresa de Iesu  
 „ vt suprà diximus, aiebat: in omnibus modis & ra  
 „ tionibus orandi, de quibus cum Patre Balthassar  
 „ Magistro suo illa colloqueretur, semper eum pro  
 „ iuisse. Et idem confirmat, quod ipsemet, in prædi  
 „ cta sua Relatione fatetur, cum dixit, Deum D. N.  
 „ intelligentiam ipsi dedisse facultatis spiritus pro  
 „ se ipso, & pro alijs: id enim fuit, ipsum constitu  
 „ re Magistrum, cum experimentaliter rerum interna  
 „ rum sciëntia.

HINC licet secundam causam & rationem de  
 „ ducere, cur Deus D. N. donū hoc seruo suo huic  
 „ operario Euangelico sit largitus: ne scilicet detri  
 „ mentum aliquod pateretur, ex eo, quod cum pro  
 „ xima



ximis ageret; sed potius perfectionis augmen-  
 tum: dans ei duplicatam cum *b duplici illo spiritu* *b 4. Reg. 2. 9.*  
*Elia*, quem Elifæus Propheta valde sibi desidera-  
 bat: celsitudinem scilicet Orationis, & familia-  
 ritatis cum Deo, cum tanta quiete atque si degeret  
 in desertis; & simul insignem dexteritatem ad a-  
 gendum cum proximis, eosque salvandos: ita ut  
 nihil propterea amitteret de familiaritate cum  
 Deo, nec desineret in eius præsentia semper ver-  
 sari. Et quamvis *Cassianus* dicat: hanc duplicem *Colat. 19. 9.*  
 perfectionem raram esse, & paucissimis commu-  
 nicari, quales fuerunt, Magnus Antonius, & Ma-  
 charius: voluit tamen Dominus noster, vnum ex  
 his paucis esse hunc servum suum, qui totum suum  
 tempus impenderet in agendo continuè in ora-  
 tione cum suo creatore, & idem coniungeret,  
 cum frequenti hominum familiaritate & con-  
 suetudine ad salutem animarum: ita ut utraq; fa-  
 miliaritas mutuo se admiranda cum harmonia  
 adiuuaret. Huius rei fidè facit; quòd, eodem ipso  
 anno, quo Pater Balthassar suam edidit solennem  
 Professionem, in qua addicebat se animarum uti-  
 litati & commodis, Deus D. N. hoc donum sit ei  
 largitus: ut intelligeret, non dari sibi illud, ut se in  
 solitudinem conferret; sed ut familiaritatem cum  
 Deo & familiaritatem cum proximis coniunge-  
 ret. Quod multò est facilius cum in ipsa oratione  
 non remis & magno labore agitur; sed vento, ut  
 dicitur, ad puppim flante, motione scilicet spiri-  
 tus Sancti, nauigatur.

Ex histertia ratio deducitur, cur Dominus  
 hanc ei contulerit gratiam, ut scilicet eius dili-  
 gentiam remuneraret, quam adhibuisset in oran-  
 do per



do per ratiocinationes & meditationes mysterio-  
rum diuinorum vt capite 2. supra est dictum. Videtur  
enim Deus eius laborem, cordisque desiderium  
& fidelitatem, qua etiam in salutem proximo-  
rum incumbere: voluit liberaliter remune-  
rare illud totum hac ratione, vt totum hunc fru-  
ctum colligeret, imò copiosorem, & cum maiori  
facilitate & leuamine. Etsi enim vterque modus  
orationis scilicet & contemplationis magnos pro-  
ferat fructus: interest tamen, nam, qui viam tenet  
ratiocinationum & meditationum, id facit cum  
labore & fatigatione, instar illius qui aquam ex  
profundo puteo cum fune & situla haurit; aut autem  
haustam effundit in aquae ductus, vt varias horti  
partes & plantas irrigare possit: alter autem mo-  
dus, qui est Contemplationis, fit absque labore  
ac defatigatione tanquam pluuia de caelo descen-  
dentis, quam terra imbibit: de qua loquitur Psal-  
mista: *c Riuos terrae replet aquis, & inebriat eam*  
*multipliat genimina eius: quae in stillicidijs erunt*  
*tabitur, germinans, ac fructus proferet copiosus*  
Suavis item prouidentia magni nostri, liberalis  
& magnifici Dei in suis donis distribuendis, de-  
lectatur & complaceat sibi cum seruis suis leuame-  
ntum largitur, & quietem; & ijs, qui apti, & capa-  
ces sunt doni Contemplationis, qui ad illud fa-  
sciendum, cordis puritate, passionum mortifi-  
catione, & prolixis meditationum exercitijs  
preparare se studuerunt: illud in magna copia, &  
quiete largiri solet; praecipue quando illi operam  
suam collocaturi sunt in bonum proximorum  
quemadmodum fecit cum Patre nostro Sancto  
Igu

c Psalm. 64.  
11.



Ignatio, post longam in meditationibus exercitationem, quam in libro suorum exercitiorum nos docuit: & similiter fecit cum Patre Balthassare, & faciet cum ijs omnibus, qui simili cura & studio se ad eam suscipiendam præparauerint: si tamen ad maiorem ipsorum perfectionem id expediet, & illi cum humilitate & resignatione perseverauerint in ritè habenda oratione ordinaria, quæ ad excelsiorem gradus quidam est, & aditum præbet.

## §. III.

**H**AEC perseverantia, non præscripto Deo Domino Nostro suæ Visitationis tempore, valde necessaria est, ut voti sui compos quis euadat: nam, ut vidimus sexdecim annos detinuit Dominus noster Patrem Balthassarem in modo ordinariæ orationis, sicut etiam Matrem Theresiam de IESU per annos octodecim, ut in eius vita scripsit Pater Franciscus Ribera; *Lib. 4. c. 2.* & alij Sancti longum etiam tempus expectarunt. Nec id mirum videri debet: nam, si Patriarcha a *Iacob quatuordecim annis* cum im- *a Gene. 29.* menso labore seruiuit, ut *Rachelem* sponsam *30.* suam dilectam obtineret, quæ figura est vitæ contemplatiuæ: quid mirum, quod eam excellenter adepturi, diuinamque sapientiam spiritualiter ducturi laborent, multisque annis desudent, ut eam obtineant? maxime cum hac ipsa diligentia, & studio ingentia alia bona sibi comparent: eò quod tale desi-